

## Чаһығлығ даш

Болған на аалда чаһығлығ даштар турулар. Кумға оңнар турғузулған? Чү душ қуду? Ында кумнарның ады шолазы шыйығлығ?

Мону дыңна, утпа!

Ол һерек оода үрдэ болбаан. Сеңэ лэ үрдэә, қоьрһуньчуғ үрдэә һерек. Ол һиредэ сиин қырған-ақаң біле қырған-абаң ниит болғаннар, уруғлар. Оларың чаашқа черләәннэр. Оларыңның аталары эккіді эптіҫе иштэніп черләәннэр. Ыньцаарда ачыньцақ өштүғлер, фашистар, бистің Чер-Суувусқа чаалацып келівіткеннэр. Оларың аалларывысты, гоородтарывысты бузуп қағаннар. Чазыларывысты, арығларывысты өьртэдіп қағаннар.

Бистің улусувус Чер-Суун қаһалаан. Ол чаадан көьфей кишилер нянып келбәән. Ында сиин қан-төрәән улусундан бір қум та чыьтып аьрта берген. Оларыңның аттарың уттуп болбас! Ол душ қуду кишилер оларыңға, чаада өлүртүп қалғаннарға, чаһығлығ даштарны турғузуп қағаннар.

Сен тэ оларыңны утпа!

1. Қандығ даштарны кишилер аалларда турғусқаннар?
2. Чү душ қуду кишилер бо даштарны турғусқаннар?
3. Қандығ өштүғлер бистің Чер-Суувусқа чаалацып келгеннэр?
4. Бистің Чер-Суувуста өштүғлер чү қылғаннар?